

## IV. OPOSICIÓN E CONCURSOS

### SERVIZO GALEGO DE SAÚDE

*RESOLUCIÓN do 11 de novembro de 2025, da Dirección Xeral de Recursos Humanos, pola que se procede ao nomeamento como persoal estatutario fixo e á adxudicación de destino definitivo ás persoas aspirantes seleccionadas no proceso selectivo, polo sistema de concurso, para o ingreso en diversas especialidades da categoría de facultativo/a especialista de área, convocado pola Resolución do 11 de maio de 2023.*

Mediante a resolución desta dirección xeral do 11 de maio de 2023 (DOG núm. 98, do 25 de maio) realizouse a convocatoria do proceso selectivo, polo sistema de concurso, para o acceso á condición de persoal estatutario fixo en diversas especialidades da categoría de facultativo/a especialista de área. Este proceso selectivo foi convocado en execución da Lei 2/2022, do 6 de outubro, de medidas extraordinarias dirixidas a impulsar a provisión de postos de difícil cobertura de determinado persoal estatutario con título de especialista en ciencias da saúde do Servizo Galego de Saúde.

Así mesmo, nas resolucións desta dirección xeral do 17 de abril de 2024 (DOG núm. 80, do 23 de abril) e do 25 de agosto de 2025 (DOG núm. 172, do 8 de setembro) publicouse o nomeamento como persoal estatutario fixo e a adxudicación de destino definitivo das persoas aspirantes seleccionadas neste proceso selectivo.

A base 10.3 da resolución da convocatoria establece que a non incorporación ao servizo activo no destino adxudicado e no prazo establecido, sen causa xustificada, sobrevida á solicitude de participación no concurso, ou de forza maior, impedirá a perfección do nomeamento e a adquisición da condición de persoal estatutario fixo do/da aspirante, e quedarán sen efecto todas as súas actuacións no proceso. Neste suposto, o órgano convocante seleccionará e nomeará novos/as aspirantes, no número que corresponda e pola orde de prelación que resulte da lista definitiva da categoría/especialidade entre aqueles aspirantes que teñan elixidos os destinos non adxudicados, con independencia da quenda de acceso do aspirante que non se incorporou ao servizo activo.

Unha vez realizado o proceso de elección de destino en diversas especialidades da categoría de facultativo/a especialista de área, logo das resolucións de nomeamento do 17 de abril de 2024 e do 25 de agosto de 2025, resultando prazas vacantes e ao abeiro



da Resolución do 11 de maio de 2023, esta dirección xeral, como órgano convocante do proceso,

### RESOLVE:

Primeiro. Coa finalidade de asegurar a cobertura das prazas convocadas neste proceso selectivo, e segundo o establecido na base 10.3 da resolución de convocatoria, realizouse a adxudicación das prazas que resultaron vacantes na categoría de facultativo/a especialista de área, nas especialidades de anestesioloxía e reanimación, cirurxía xeral e do aparello dixestivo, medicina interna, obstetricia e xinecoloxía, psicoloxía clínica, psiquiatría e radiodiagnóstico ás persoas aspirantes incluídas inmediatamente a seguir pola orde de prelación que resultou da lista definitiva, con independencia da quenda de acceso e de acordo coa selección de destinos realizada como consecuencia da Resolución do 12 de marzo de 2024 (DOG núm. 57, do 20 de marzo).

De acordo coa convocatoria, quedaron sen efecto todas as actuacións das persoas aspirantes seleccionadas que, no prazo e conforme o procedemento establecido, non seleccionaron os destinos que se ofertaron pola orde de prelación que consideraron e non resultaron adxudicatarias de ningún destino polo que optaron ou renunciaron á dita elección.

Tamén se recolle na base novena que as persoas aspirantes que, dentro do prazo fixado non presentasen a documentación ou do exame dela se deduza que carecen dalgún dos requisitos para participar neste proceso selectivo, non poderán ser nomeadas persoal estatutario fixo e quedarán anuladas as súas actuacións, sen prexuízo da responsabilidade en que incorresen por falsidade na solicitude inicial.

As actuacións destas persoas aspirantes no concurso quedan anuladas e decaen en todos os dereitos derivados da súa participación.

Segundo. Nomear como persoal estatutario fixo do Servizo Galego de Saúde nas diversas especialidades da categoría de facultativo/a especialista de área as persoas aspirantes que se inclúen no anexo I desta resolución.

Adxudicarlles a estas persoas aspirantes, con carácter de destino definitivo, o destino que figura no referido anexo I.

Terceiro. Declarar finalizado o proceso selectivo, polo sistema de concurso, para o ingreso en diversas especialidades da categoría de facultativo/a especialista de área, convocado pola Resolución do 11 de maio de 2023.



Cuarto. Este concurso de méritos tramitouse en execución da Lei 2/2022, do 6 de outubro, de medidas extraordinarias dirixidas a impulsar a provisión de postos de difícil cobertura de determinado persoal estatutario, e a dita lei, como figura na súa parte expositiva, inclúe no seu artigo 2 unhas garantías para que o persoal seleccionado se incorpore e permaneza varios anos no desempeño efectivo dos postos adxudicados.

Polo tanto, en cumprimento do que dispón ese artigo 2 e a convocatoria deste concurso de méritos:

a) Os/as aspirantes nomeados/as disporán do prazo dun mes, contado desde o día seguinte ao da publicación desta resolución no *Diario Oficial de Galicia*, para incorporarse de modo efectivo e permanente ao servizo activo no destino elixido e adxudicado.

A falta de incorporación ao destino nesas condicións e prazo, sen causa xustificada, sobrevida á solicitude de participación no concurso, ou de forza maior, impedirá a perfección do nomeamento e a adquisición da condición de persoal estatutario fixo do/da aspirante, e quedarán sen efecto todas as súas actuacións no proceso.

b) Posteriormente, poderán participar nos concursos de traslados na correspondente especialidade da categoría de facultativo/a especialista de área, ou nos sistemas de promoción interna ou provisión de prazas doutra categoría, cando cumplan os requisitos comúns deses procedementos e acrediten dous anos de permanencia na situación de servizo activo no centro elixido e adxudicado como destino nesta resolución.

Aquelas persoas aspirantes que tomen posesión como facultativo especialista de área na especialidade correspondente serán excluídas dos procesos de selección temporal en que estean inscritos/as no Servizo Galego de Saúde.

Quinto. De conformidade coa disposición adicional segunda do Decreto 70/2017, do 13 de xullo, polo que se regula a formación en igualdade e a prevención e loita contra a violencia de xénero do persoal ao servizo da Administración da Comunidade Autónoma de Galicia, como condición para o perfeccionamento do nomeamento que se expida, as persoas aspirantes seleccionadas deberán realizar, con carácter obrigatorio, e nun prazo non superior aos seis meses contados desde a data de publicación do correspondente nomeamento como persoal estatutario fixo no *Diario Oficial de Galicia*, as actividades formativas para a obtención do nivel básico de coñecemento en materia de igualdade de xénero e prevención e loita contra a violencia de xénero que recolle o artigo 157 da Lei 7/2023, do 30 de novembro, para a igualdade efectiva de mulleres e homes de Galicia.



Non terán que realizar esta actividade formativa as persoas aspirantes seleccionadas que a realizasen con anterioridade, se consta rexistrada en Fides/expedient-e e foi debidamente validada.

Sexto. Contra esta resolución, que pon fin á vía administrativa, poderase interpor recurso potestativo de reposición, ante esta dirección, no prazo dun mes contado desde o día seguinte ao da súa publicación no *Diario Oficial de Galicia*, de conformidade co establecido nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou poderase impugnar directamente, na xurisdición contencioso-administrativa, nos termos da Lei 29/1998, do 13 de xullo.

Santiago de Compostela, 11 de novembro de 2025

María del Mar Pousa Cobas  
Directora xeral de Recursos Humanos

CVE-DOG: kiy1ym11-bqo0-cfv8-rqh0-vdgmgoqbbnrk2





## ANEXO I

## Relación definitiva de adxudicatarios/as e destinos

Categoría	DNI	Apellidos e nome	Centro directivo	Centro	Concello	Quenda
Facultativo/a especialista en anestesiología e reanimación	***7311**	Chomon González, Silvia	A.S. da Coruña e Cee	Hospital Público Virxe da Xunqueira	Cee	-
Facultativo/a especialista en cirurxía xeral e do aparello dixestivo	***8895**	Del Álamo García, Francisco Javier	A.S. de Ourense, Verín e O Barco de Valdeorras	Hospital Público de Verín	Verín	-
Facultativo/a especialista en medicina interna	***7782**	Pérez Carral, Verónica	A.S. de Ourense, Verín e O Barco de Valdeorras	Hospital Público de Verín	Verín	-
Facultativo/a especialista en obstetricia e xinecoloxía	***8317**	Fernández Novo, Ana	A.S. de Lugo, A Mariña e Monforte de Lemos	Hospital Público da Mariña	Burela	-
Facultativo/a especialista en obstetricia e xinecoloxía	***5463**	López Pais, María	A.S. de Ourense, Verín e O Barco de Valdeorras	Hospital Público de Valdeorras	O Barco de Valdeorras	-
Facultativo/a especialista en radiodiagnóstico	***7229**	Ferreira Polli, Marlon Francisco	A.S. de Pontevedra e O Salnés	Hospital Público do Salnés	Vilagarcía de Arousa	-
Facultativo/a especialista en psicoloxía clínica	***4052**	González Rodríguez, Marta	A.S. de Lugo, A Mariña e Monforte de Lemos	Complexo Hospitalario Universitario de Lugo	Lugo	-
Facultativo/a especialista en psiquiatría	***7113**	Alonso Gómez, Aurora	A.S. de Pontevedra e O Salnés	Complexo Hospitalario Universitario de Pontevedra	Pontevedra	-
Facultativo/a especialista en psiquiatría	***7451**	López Fernández, Enid	A.S. de Lugo, A Mariña e Monforte de Lemos	Hospital Público de Monforte de Lemos	Monforte de Lemos	-

(\* ) Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 3/2018, do 5 de decembro.